



Himbawm in umnak

TONSAPUP

Lakhruai tonsapup ah Zero Pathum (000) hin chawn



Zero Pathum (000) na chawnh tikah, mizaw phortu mawtaw maw, kangmei zuanhnawhnak maw palik bawmhnak dah na herh tiah hal na si lai. Na herhmi bawmhnak min kha na chim awk a si. **Philh hlah: Lakhruak tonsapup a um ahcun, Zero Pathum (000) lawnglawng hin chawn.**

Mirang holh na thiam lo ahcun, **'Interpreter'** (holhlettu) tiah chim law na hmanmi holh min kha chim.

Zero Pathum tuantu bawi (asiloah, holhlettu) kha chim:

- na **min**
- Lakhruak a cannak hmun **address**
- na **telephone** nambar
- a cang liomi **thil**
- tonsapup thil a can lionak **hmun**.

Na lung aa tuai i a chim awk na hngalh lo ahcun, phone kha hmit lo in tlai peng. Phone kha tlai peng law, phone uktu nih na phone nak hmun kha a hngalh khawh lai i bawmtu a vun kuat khawh hna lai.

Mizaw mawtaw bawmhnak hi lakhruak tonsapup thilcang ca lawng ah a si.

Cinken: Pumpak ngandamnak aamahkhaw, maw ngandamnak tlopbulnak card, maw detnak card maw pakhat khat na ngeih lo ahcun, mizaw mawtaw hman man an in lak khawh men.

Innchung tang ah himbawm in umnak

Dinti

Innchung tidong in a chuakmi ti kha din awk le rawl chuannak ah a himbawmmi a si. Tibual le tiva ti belte ding hlah, rawl zong chuannak hlah, zeicatiah tihlawm an si kho. Tisa nih takpumh a khawh khawh. Ti nai kholh hlan ah, kholhnak tidong na hman hlan ah, asiloah, ti lak ah hngakchia na hnim hlan ah, ti kha a sa tuk maw, zeidah a lawh ti kha chek hmasa.

Lekthik mei

Lekthik puak nih minung a hliamh khawh i a thah hmanh a thah khawh.

Hihi tuah hna hlah:

- Lekthik thilri pawl kha an tlak khawh nakding ti kam le ti umnak kam ah chia hna hlah
- Rawl emnak lekthik kuang le tirawl chuannak lekthik kuang le lekthik bunhnak thilri ah thir phun a simi thilri chia hna hlah.



Rawl chuannak lungthu le rawl bel kha an sa ngaingai tawn. Rawl na chuan tikah, rawl bel tlaihnak kut kha khatlei ah merkanh diam hna, hngakchia nih banh kho hna hlah seh. Lekthik bel chin kha a sat ngai khawh caah, na fale kha naihter hna hlah.

Kas mei

Kas mei hi rawl chuannak lungthu, lekthik bel le mei tohnak thilri ah hman a si. Rawl chuan na lim tikah, lungthu i kas na onmi kha hmit hna. Kas rim a nam na theih ahcun, meittek tu **hlah**, zeicatiah pup tiah kas mei a alh thut kho i, kas kha a puak sual lai. Kas thli a zuhnak zawn kaw law, zokzok in philh colh.

Sii le dat thilri

Inn kam hrawng i hmuh ttheu tawnmi ritsii le dat thilri hi tihnung a chuahti khomi, asiloah, fak lak in zawtnak a chuahti khomi an si. Sii le ai phun paoh kha an dihlak in hngakchia pawl hmuh lonak ding hmun le an phak lonak ding hmun ah chiahter dihlak hna. Thianhlimhnak i hmanmi thilri vialte kha hngakchia pawl nih an lak khawh lonak ding hmun bizu chung tawhnhrenh ah chiahter dihlak hna.

Tirawl

Caw hnuk in sermi tirawl, sa le thingthei thenkhat le tisik anhnah tbk. rawl phun pawl hi chuanh/ei an si tiang tikhal kuang chungah chiahter ding an si. Rawl thenkhat cu, chuan laite tiang in horha bang khalter an herh. Voi khat khalter cangmi tirawl kha a khal vun zorter hnu ah, tikhal kuang ah khalter than bal ti hlah, zeicatiah na ei than tikah, an zawtter khawh. Thingthei le tisik anhnah kha rit dawnhnak le rit thihnak sii kah an si caah, ti in thiante in na ttawl hnu lawng ah, na ei hna lai. Rawl chuannak hmunhma kha thianter zungzal law, rawl ei na timhlamh hlan ah na kut kha i tawl zungzal.

Kangmei

Aho inn paoh ah kangmei khu zualkotu seh bunh **hrimhrim** awk an si. Zualko seh nih hin innchung meikhu a hmuh ahcun, a ring vurmar tawn. Batthiri dat in a nungmi si hna kaw, a batthiri kha a tha maw tiah chek awk le thla ruk dan lengmang in a batthiri thlen awk a si. Meitilul le kuakdap chiahter dur kha kangmei a chuahtertu an si theu caah, i thlahdah lote in fimtawl hna, ahlei khun in i ralring ko. Meitohnak seh kha puan va vurh hlah. Na inn kha a kangh sual pingpang ahcun, innchung in leng ah zam a hauh caah, a zamning kha i tuaktan cia law, na chungkhar he a zamning kha a taktak bantuk khin i cawn cia u.

Zalam cungah himbawmnak



Zalam tannak

Australia ah cun zalam kehlei kam in mawtaw mawngah a si. Zalam na tan tikah, na kehlei le na vorhlei kha lam chimtu meiceu cheknak caah ralringte in zoh. Lam mei nih an onh caan ah zalam tan, asiloah, ke in zalam tannak zawn in lam tan.

Saikel cuanhnak

Saikel nai cuanh tikah, a luchin nai ching hrimhrim awk a si. Zan i nai cuanh tikah, na saikel kha a hmalei le a hnulei ah meiceu a ngeih hrimhrim awk a si. Saikel ai cuantu paohpaoh nih lam zultphung vialte an zult dihlak hrimhrim awk a si. Khuapi tampi ah cun a dangte in saikel kalnak lam an zuah. Zalam cung i saikel mawngahnak ah laisen ngeih na herh lo, asinain zalam zultphung na zult hrimhrim awk le mawtaw mawngahnak i hmanmi zultphung (zudin le mawngah lo tbk) kha na zult ve ding an si.

Ritsii le zu

Luan lak in ritsii, asiloah, zu rit bu in mawtaw mawngah hi tih a nungmi le phung khapmi a si. Zurit ngang bu in, asiloah, sii rit ngang bu in mawtaw na mawngah lio i an in tlaih sual ahcun, cei lakte in tangka an in liamter khawh (dantatnak a si), asiloah, na mawngahnak laisen kha an in chuh khawh, asiloah, thong hmanh ah an in thlak khawh.



Australian Government
Department of Social Services

Mipeem Caah Tuantu Ramkip Huap Phu nih
Australian Cozah Zatlant Bawmhnak Phu
ai-awh in a cawnpiak hna

